


## **SYARAT DAN PERATURAN PERTANDINGAN STRIKE JORAN 2025**

### **1.0 PESERTA**

- 1.1. Peserta wajib memakai gelang peserta dan sticker pada batang joran yang diberikan daripada penganjur;
- 1.2. Peserta boleh mendaftar seberapa banyak batang joran dengan kadar bayaran **RM100.00**/joran.
- 1.3. Peserta hendaklah membuang sampah di tong sampah yang disediakan menggunakan plastik yang dibekalkan;
- 1.4. Semua perbelanjaan bagi menyertai pertandingan ini adalah tanggungan sendiri dan pihak penganjur tidak akan bertanggungjawab di atas semua kehilangan, kemalangan atau kecelakaan yang menimpa peserta;
- 1.5. Peserta bebas memilih lokasi memancing tetapi dilarang keluar dari kawasan yang ditetapkan dan pihak penganjur berhak menentukan kawasan yang dibenarkan mengikut jumlah penyertaan; dan
- 1.6. Peserta perlu menghantar sendiri ikan ke meja Hakim untuk ditimbang selepas mendapat Waran Marsyal dan diiringi oleh Marsyal.

## 2.0 KAWALAN KAWASAN

- 2.1 Dilarang membuang sampah di kawasan memancing
- 2.2 Kenderaan persendirian tidak **DIBENARKAN SAMA SEKALI** memasuki kawasan memancing;
- 2.3 Dilarang merosakkan pokok dan tanaman di kawasan memancing. Pemancing yang ditangkap merosakkan pokok & persekitaran akan dikenakan kompaun oleh Taman Herba dan penyertaan akan dibatalkan.
- 2.4 Peserta boleh menggunakan umpan seperti dedak, cacing, cengkerik, roti, pellet, ikan hidup, lipas, lipan, ulat gendon, jenis-jenis ulat hidup, bahan-bahan daripada buah-buahan seperti pisang, betik, buah kelapa sawit, *marshmallow* (mesti menggunakan batu ladung) dan telur kerengga.
- 2.5 Peserta **DILARANG** menggunakan umpan tiruan (Rapala), organ dalaman haiwan, umpan TAPA, katak, anak itik, cicak, anak ayam dan umpan yang menggunakan organ haiwan yang berbau hanyir dan meloyakan serta kuning telur.
- 2.6 Pelampung, mata dua, mata *spider* dan mata tiga adalah dilarang.



- 2.7 Penggunaan mata bom dan rambai dibenarkan dengan syarat mata mata kail satu.
- 2.8 Bantahan boleh dibuat dalam tempoh **15 minit** selepas pertandingan tamat dengan setiap bantahan akan dikenakan bayaran **RM150.00**. Wang tidak dikembalikan jika bantahan ditolak.
- 2.9 Joran yang digunakan mesti mempunyai sticker yang disediakan oleh penganjur. Jika joran patah, peserta perlu memaklumkan kepada penganjur untuk mendapat tag joran yang baru. Joran tanpa tag akan dibatalkan penyertaannya.

2.10 Pancang yang dibenarkan di dalam pertandingan ini adalah tertakluk kepada syarat-syarat berikut;

- i. Pancang dibenarkan dipasang pada jam 12.00 tengah hari sehari sebelum pertandingan selepas mendapat tag pancang;
- ii. Hanya pancang berbentuk 'Y' sahaja yang dibenarkan;.
- iii. Pancang yang diikat dengan tali akan dipotong;
- iv. Pancang yang tidak mempunyai tag akan dicabut dan ditanggalkan. Pancang tersebut boleh dituntut di khemah urus setia;.
- v. Pancang menggunakan ranting, buluh, paip PVC dan kayu tidak dibenarkan; dan.
- vi. Keselamatan pancang ialah tanggungjawab peserta.

2.11 Sticker joran yang dibekalkan perlu dilekatkan secara memanjang bermula dari tempat pemegang "reel" sehingga gelang pertama joran masing-masing. Rujuk gambar di bawah.



2.12 Ikan yang berjaya dinaikkan oleh joran yang tidak dilekatkan sticker joran, maka ikan tersebut tidak akan ditimbang.

2.13 Ikan yang dipertandingkan mesti memakan umpan. Sekurang-kurangnya satu mata kail perlu kena di bahagian dalam mulut sahaja untuk layak dipertandingkan (mata bom/rambai). **Jika semua mata kail terkena ekor atau badan, ikan tidak layak dipertandingkan.**

2.14 Ikan yang berjaya dipancing akan menjadi hak milik penganjur.

2.15 Peserta layak memenangi lebih daripada **satu (1)** hadiah kecuali hadiah tempat pertama hingga ketiga. Sekiranya seorang peserta mendapat tiga ekor ikan terberat, maka peserta berkenaan akan ditabalkan sebagai juara manakala dua ekor ikan lagi yang dipancing akan menduduki tempat keempat dan kelima.

- 2.16 Kemenangan ditentukan berdasarkan jumlah berat bagi seekor ikan yang ditimbang serta masa tangkapan ikan yang dicatat oleh marsyal.
- 2.17 Ikan yang sudah berada di dalam tangguk ketika siren penamat dibunyikan layak dipertandingkan. Bagi ikan yang masih berada di dalam air ketika siren penamat dibunyikan, ikan berkenaan tidak layak dipertandingkan.
- 2.18 **Ikan seperti Talipia, Haruan dan Ikan Bandaraya** tidak dipertandingkan.

### **3.0 KAEDAH PENENTUAN PEMENANG BAGI PERTANDINGAN**

- 3.1 Kaedah penentuan pemenang berdasarkan Ikan yang paling berat dan ikan yang paling berat akan diumumkan sebagai pemenang utama.

